

聖
者
州
崗
王
集



望眉草堂詩集卷五

乙酉起丙戌止

貴筑顏嗣徽義宣

正月初四日因公到安平司蒙洞村

津司

陡險從來我未經羊腸綫路獨玲壙林容半帶孤
雲白山色遙分隔岸青淺草新泥春似繡層巒疊
嶂翠爲屏勞人暫得煙霞逸皂蓋朱旛一晌停

二月初一日因公到長行司大旺村

斜風絲雨杏花天方罨縱橫綠化煙上冢清明思
故土勸農冠蓋感新年聚觀童叟排如堵無事漁
樵懶正眠寄語部民休怪駭初來未信使君賢

曾搏仙少尉因公到署爲鐫刻印章數枚賦

望眉草堂詩集卷五

一

文蔚堂

謝

清才如此作卑官驥困鹽車我亦歎運筆有鋒能
屈鐵吟詩拔幟可登壇石頭小篆長飛白紙尾微
名幸渥丹珍重琳瑯堆滿篋愧非冰案也生寒
滿庭榕葉正啼鶯榻解南窗一枕橫金石百家深
集古圖書八法最娛情陳遵有客投車宿王粲臨
門倒屣迎無怪當途爭汲引才名早已動公卿

冰井寺題壁

積雨情烘卵色天花光先到畫欄邊羽觴同泛初
三月雪乳新烹第一泉香火緣從方外結江山名
讓古人傳塵纓何物堪湔濯漫叟流風對灑然

題黃硯賓太守退思書屋詩集後

家傳不祖西江澀別派尤卑崑體濃獨賞梧桐疏
雨句一空芥蒂盪雲胸湘簾蕪篔簹真消暑簿領鞭
敲亦洗庸誰謂王裴清響歇辛夷花塢若重逢

端午梧郡三江大漲作詩紀之次東坡九日

黃樓韻

陰陽占驗推眾說百川灌注三江發西南兩隅水
數版浸淫豈但泥滑滑沿河蟹戶翻箬艇嬌娃眞
步凌波襪郵書阻絕吏事少黃紬擁被開笑呷訟
庭沮洳變哇隴識字畊夫將舉錘洄淵欲覓屠龍
手利劍入水蛟螭殺否則屬文禱河伯乞靈對岸

望眉草堂詩集卷五

二

文蔚堂

三界刹

三角嘴有廟祀青龍神

捍災自古恃正氣翻覆不畏

羣傾軋我聞王尊立濤頭能使天吳驕氣壓來朝
料得水勢平火山露出峯巒巒居民恣食撈魚蝦
漁子踏浪逐鳧鴨喧闐冠蓋又出門官舸乘風泛
茗雲

贈金淮生同轉

余舊有楹聯懸陽朔書院同轉出差經過
抄入所著粟香二筆中詳及里居姓名刊
刷流布而彼此初未識面也今歲同轉樵
齋來梧郡余適權蒼梧篆相見話及始知
默契在數年以前而又巧合於同城之內

斯亦翰墨奇緣矣感賦一首

三年前已早知名默默相通兩地情鐵穎每從磁
石引銅山必應景鐘鳴鴛鴦江上煙波滑茉莉花
時郡郭晴攜具暫當祛簿領與君慷慨話平生

雙榕樹

在縣花廳側

庭前古榕樹聳峙並參天身材壯十圍禿老枝抽
妍根幹竄墜壁玲瓏百孔穿堅蒼化成石磊砢脈
交連問樹何時種樹已忘其年問樹何人植姓氏
無由傳得非元明代亦在雍熙前壽比靈椿算雙
鑠形神全滄桑經幾度飽閱世變遷傳舍易宰官
何啻什百千興亡兩不管孰佞與孰賢我亦逆旅

望眉草堂詩集卷五

三

文蔚堂

客寓此當有緣盛夏乘公暇盤桓樂自便濃陰布
一畝庭院翠條牽涼風動纖末綠滴衣裙鮮時參
菩提果靜悟木犀禪呼童展斲篔欲枕玉琴眠

輓啟觀察

絕不作風波從容養太和吏皆能簡易民自免煩
苛佳節蒲觴罷哀思柳郡多吾曾頻款接繼戀意
如何

六月十八日病起到東安司察勘水災

鬱蒸嵐瘴暗霏霏豐草長林綠正肥病馬新瘥猶
強步良禽因糾未忘機拋珠雨點斜侵面軟穀波
光半染衣帶水拖泥堪自笑圖南應悔不高飛

十九日宿龍洞夢讀畫得句云更有八九峯

鶯聲時斷續句頗新異次日山行卽景足成之

終日轉山麓一轉溪一曲百轉結客腸問路欲安宿更有八九峯鶯聲時斷續

電綫行和徐季同幕府用原韻

徐子示我電綫歌一章電綫奇巧鑿混茫帝天大笑聞神光呼喻六合通八荒靈樞秘紐萬丈長橫絕巨海無隄防消息一黍動毫芒瞬刻飛達東西洋麥麴鞠窮隱謎藏侏儻譯出字昭彰大塊噫氣雄風狂比較其速謝未遑羲和操鞭日馭忙追之

望眉草堂詩集卷五

四

文蔚堂

猶恐走且僵煙墩馬遞空倉皇雁足繫書尤徜徉咄咄怪事驚聾盲乾端坤倪剖其瓢自古有國各界疆醅風未散民安康後世人情逞譎張機心百變圖富強句吳斷髮本蠻方巫臣作俑通冠裳主盟齊晉相頡頏中原未敝吳先亡巴蜀糞金貪秦賊五丁鑿險通咸陽秦將乘隙俘其王引軌入轍計非良殷鑒在前示周行妄想爾胡不自量徐子作詩音炳琅制作形器言之詳我詩何能和笙簧略陳古義爲諷颺

次韻和漣生同轉游冰井寺二首兼簡季同

固卿兩幕府

尋春纔在眼陳迹已前游天氣陰晴變江聲日夜
秋探奇芳屐到覽勝彩毫收邑乘銘詞在煩君子
細搜

天高延爽籟宿靄盡空虛一院古榕落數行秋柳
疏登臨懷故蹟束縉苦官居宴坐寂無事閒輸溪
上漁

九日淮生招同季同固卿彥皋集準提閣同

次前冰井寺韻

七載離鄉井重陽兩度游已卯起復來粵已七度
佳節祇癸未在維及今
茲兩次地偏聊避俗詩好必吟秋伯雅香醪滿侯
鯖異味收支公何處訪方外友難搜

望眉草堂詩集卷五

五

文蔚堂

凭闌同岸幘高閣醉憑虛準提寺有憑虛閣郭外煙光暝

林間雨點疏昏黃游客路寒碧道人居遠火照深
夜應知漁者漁

淮生用冰井寺韻贈行仍疊韻酬之

縱善庖丁解何嘗刃自游署名當下考輿論有陽
秋雲路誰能阻風帆幸早收瑕疵吾豈免時時畏
人搜

事業今如此光陰愧已虛宦情蟬翼薄世故雉媒
疏會有相逢處何妨少忍居風雲從古盛或者在
耕漁

定界司員楊虞裳部郎過境賦贈次韻和答

朱載絕徽控雄關聚米圖形指掌間宋代曾聞揮
大渡漢家那許過陰山起居記注同銜命王路馳
驅豈憚艱分付津亭維錦纜重標銅柱待君還

蒼梧解任留別淮生季同固卿諸君八首

七載宦粵嶠終日困風塵此中求益友邈焉有幾

人今歲攝廣信德星聚爲隣家世漢貂蟬未面交

以神

謂淮生

中山本名族諸昆盡軼倫

謂季同固卿

時作

文字飲笑語常相親旦夕將別去置酒羅眾賓雖
未調絲竹清歌侑爵頻起舞爲君醉吐懷爲君陳
勿與外人道恐妨當路噴

東安罹水潦陽侯肆摧殘室家魚鼈窟四野望瀾

望眉草堂詩集卷五

六

文蔚堂

漫奉檄撫瘡痍秋初暑未殫支離撐病骨腰瘦帶
圍寬侵晨理會計中宵猶未安拮据塞敝漏機詐
試百端因此構羶愠施媯遂見瘕豈曰澤吾民聊
可解素餐

鐵面包孝肅爲治尙嚴整文忠

歐陽文忠公

樂寬簡不

擾事尤省先後尹河南治績皆炳炳張弛各不同
愛民心迹併何嘗盡鄙夷棄之同頑梗束溼亡聊
賴勢必逸馬騁游魚見密網驚奔皆不靖吳公天
下最未聞鋒棱逞乃知理繁才第一惟安靜

劉寬守南陽蒲鞭示薄責東海嚴延年決囚數里
赤殘刻寡恩吏固足損國脈寬厚稱長者養好恐

姑息吾慕尹扶風經術蒸治績清豈必絕俗嚴亦
不急迫譬彼江河水何物不融液塹焉有隄岸涇
渭自界畫敢輕言縱囚高談教化澤

邊氛當孔棘征調置轉運况值三江衝舳艫銜尾
趁軍書日旁午大府猩紅印火急限時刻供頓恐
不逃朝起接餉員暮宿披郵信差船百什艘一帆
皆風順事後敘微勞郡縣多升進樹下屏無言看
人貂蟬儁

擣菽牧奴戲盡取投江中陶公勵振作操行自迺
躬運甃肩荷擔庶幾挽頽風竹頭與木屑善用皆
無窮如何兩首鼠名似實則空責人亦太備返己

望眉草堂詩集卷五

七

文蔚堂

胡不公况值時多事焚絲治愈聚君子平心察諒
亦少恕容殷勤盡忠告猶冀聽者聰

曾參豈殺人三告慈母起積毀可銷骨謗書盈篋
紙白壁點蒼蠅明珠混蕙苒泰山茫不見前只蔽
一指志士長太息中宵頻撫髀仙人隔雲端粲然
啟玉齒青童不我導絳節空徒跂何時從之游瑤
鏡滌塵滓照徹含沙術萋斐空復爾

坐席未及煖受代促瓜期同心爲我惜抱器負良
時區區隱微意難使局外知不惜舍此去所嗟去
已遲周人寶鼠腊獻玉必見訾越人售章甫裂冠
頭生疑強以所不悅齟齬固其宜媿嬰久戀棧毋

乃愧益滋不如奉身避肩輕心自怡風雪滿前路
揖別盡金卮

蒼梧旋桂林紀程詩

晚泊倒水汎懷梧郡諸友

流連頻餞別良友最多情離緒隨波折清思對月
生微吟楓葉晚奚羨槿花榮欲寫西征賦今宵第
一程

早發古汴達龍江驛

浪輒午風柔江澄碧似油忽逢當路石爭奪上灘
舟涉世夷仍險循環喜更憂人情看爛熟行止自
優游

望眉草堂詩集卷五

八

文蔚堂

經黃灘至烏龍潭

木葉響蕭騷灘聲鬱怒號風寒隄柳亂雪湧浪花
高鳥道斜牽纜蜂窠緊受篙行裝添古籍差可壓
輕舸

曉晴古攬舟中

船窗晴色好霜冷上朝曦時做荔支帖新翻蓮子
詞峽開青瑣闌水映碧琉璃面目欣無改星星照
鬢絲

笏竹早行

欸乃發謳聲敲鈺次第行鶻啼槃瓠廟草長藥師
營去去懷人意茫茫弔古情無心鳴咽水也作不

平鳴

剪刀灘一名檢密

江霧曉迷漫江風一棹寒愧言麾扇渡拚上剪刀灘耐冷篔簹碧經冬柏葉丹仕途應更險行路莫嗟難

上下仰灘

雙磧豎嵯峨扁舟一綫拖濤頭驚突阜水口眩盤渦競進扛同鼎差鬆擲似梭齊聲登穩渡笑聽榜人歌

龍州看江上亂山

海內知名少驅除到水濱并無銘紀壁祇覺勢凌人齊瑟原多濫隋珠易混真一峯偏特立不禁獨傷神

望眉草堂詩集卷五

九

文蔚堂

馬峽

險絕瞿塘馬行人畏歎嗟急流堆亂石斷岸積平沙市遠炊煙渺山高落照斜竹筩三兩處隨意泊漁家

昭平覽古

唐代昭州境停橈此問津兩硤森鏃鑰一鑑自龠淪古地羈詞客前朝放逐臣不勝今昔感拳袖采江蘋

荆竹舟中

終歲爲人役看山今始閒異書新可賞塵牘冗全
刪淺渚芳洲畔青松紺樹間置身在圖書摹筆倩
荆關

叢林峽

崇陵一作

柔櫓聲鴉軋揚帆宛在中沈潭微縹浪空峽貫招
風洞壑奇而奧山川傑且雄惜經兵燹後清嘯少
猿公

練潭早行

奔流終夜吼趁曉好推篷脚艇撐如葉頭工挽用
船尾曳小舟名脚艇舟人立船頭候水者名頭
筒工灘險處以脚艇前行繫纜上流本船用絞筒
挽跳波魚潑刺捕水鷺凝氈丙穴思風味烹鮮九

月中

望眉草堂詩集卷五

十

文蔚堂

威震灘

九曲似迴腸誰云一葦杭鯨波凹更凸鷓首俯還
昂震撼雷霆走奔騰日月忙方言多附會遺跡總
荒唐

大廣舟行

四壁皆蒼翠西風正捲簾灣環迷水道缺漏補峯
尖廢堞荒郵在村舂梵磬兼煙霞吾故物消受不
傷廉

豬牙灘

枕胷水交洄驚呼檝欲摧幸非隨浪下竟似奪門

來散吏應無咎江神豈忌才忠宣留至語何害黨

人魁

范忠宣公南遷舟覆忠宣語
家人曰是豈章惇所爲耶

月晦宿象碁灘上

舟子皆酣寢桅檣獨望時世間眞弈局天半耿參
旗漁火深宵徹鼉更匝夜司蕭蕭吹荻葦月黑景
尤奇

宿大節灘下

晚泊危灘宿江聲一枕繁風驚湍更急夜靜浪逾
喧愧少涓埃補徒隨歲月奔鹿車當共挽早日返
鄉園

上古牢峽至廖灘

望眉草堂詩集卷五

十一

文蔚堂

快意前無阻疏林引黛長關高乘汐上帆飽順風
張名已甘牛後才慚送馬當時人謬推許金采錯
詞章

長灘望平樂諸山

八別林巒勝迎眸洗翠嵐石如奇士訪山似故人
探寒萼開先一空桑宿已三

已卯余在
郡榷釐

遣懷沾斗

酒今夜泊昭潭

宿韭菜灘頭

一碧暮江煙乘槎欲上天冰簾真倒捲斗室竟虛
懸枕僅筠條繫船無鐵鎖連鮫人歎珠玉達巨聽

鳴泉

陽朔晚泊

舊治人家在蓮峯倚夕曛

庚辰余權此邑篆

柱擊狐拔地

筆卓削穿雲草木尋情話山川識使君今茲多水

潦留意問耕耘

經螺螄巖宿青魚灘底

矗立無依傍崢嶸數百尋危巒垂澹澗峻壁罩陰
森寒雨夜將晏濃雲凍已深壯年游歷慣今夕感
羈心

畫山

絕妙丹青手蒼崖展畫圖真龍曹霸寫駿馬子昂
塗翰藻淋漓溼江花淺淡扶重來頻審諦煙雨半

望眉草堂詩集卷五

十二

文蔚堂

模糊

小雨過浪石至關巖

簇簇沿江岸春林玉筍齊半層皆霧隱一桁盡煙
迷似馬臨巖勒如虹戲水低沂流攀仰上步步踏
丹梯

經大墟一路淺灘

努力呼聲震尻卷脊更勺灘高驅水陡沙淺涸舟
膠漠漠煙千縷疏疏樹萬梢惜無雲藥降渲染觀
荒郊

鬪雞灘

何自天雞墜翩然向水湄不聞嘶臚騰恍覺羽離

披詩句聯名宿坊間鬪小兒
斲雕追太古吾欲問
工倅

上桃花灘抵桂林

飽看佳山水茲游不憚遐
舟纔牽韭菜灘又上桃
花臘盡征程迫春歸客興賒
門前尋舊燕彷彿當
還家

送硯臯回里兼寄固卿

麴塵三月河橋柳扁舟一棹落
君手薄宦天涯作
別離送君千里珠江右君行血淚灑麻衣墨綾暫
解黃印綬白雲親舍望星奔人世浮榮消何有宦
海如君有幾人揆天詞藻空等倫仙鬼詩才分二

望眉草堂詩集卷五

三

文蔚堂

李啼鴉香草楚纍臣冥搜幻索吟最苦如躡月窟
探天根治譜廣入新樂府感人肺腑尤爲真虞翻
著書求知己東阿定文丁敬禮一編覆醬小吟箋
評量分寸合黍縈游絲百尺椽花天水煖鴛鴦舊
夢牽憑君寄語徐季海月旦原來借評傳
兩君皆爲余定稿

思家

離家八載苦思家歲歲春歸感物華
正是踏青天氣好家山紅徧刺梨花

袁錫臣太守舊藏有蘭西翁畫石二十頁
太守每頁題有五言絕一首余借觀之賦此

壺中瓊島九華几上洞天一品傳詩傳畫傳人臥
看涼雲侵枕

巉巉神骨青蒼嶽嶽鋒棱硯礪咄哉何物竒人袖
底攜來東海

十年塵迹分張桂管重傾杯酒耽吟合是散仙耐
久如交石友

送鏡河回里二首

滔滔日下走江河大力誰當挽逝波屈指真才人
有幾知心我輩別尤多炊屨猶奮衰遲業扣角能
無激壯歌笑對西風搔短鬢空餘豪氣未消磨

望眉草堂詩集卷五

五

文蔚堂

蒼生再起出山期烏道蠶叢地遠離君起復當改官四川原省

清話煎茶同此夕他年剪燭又何時文章技小如
巫祝世局爭先似弈碁春到錦官君記取早緘人

日蜀中詩

寄梧州徐固卿二十四韻

菲德吾何幸郝超入幕來英姿驚老輩弱冠壓羣
才文富思翻水名騰耳灌雷經師迫服賈賦手擅
鄒枚句股君卿衍均輸隸首推籌珠精滾滾絲忽
妙恢恢周髀淵微徹黃鐘理數該疇人猶技藝術
士盡輿僂家學承韋孟刑章晰李悝穎川彪最武
日下鶴難陪羅致惟先禮聯歡匪借媒整襟聞緒

論揮塵識手裁削贖襄蠲賑披圖勘水災牛毛絲
繭細蠹紙案檔堆結侶游冰井登高擬吹臺秋心
蕉葉捲逸興菊花開擊鉢飛催句藏鉤縱舉杯同
行頻倚徙將去更徘徊祖道人爭送扁舟我逕回
交融君水乳契洽友岑苔風味思嘗荔情懷寄折
梅此中堪共賞外論勿輕猜蛤蚧門雙迴鴛鴦水
一隈甘棠雖遜美嘉樹手親栽

松筠閣貞孝詞爲淮生同轉題

曹娥殉親死伯姬待姆焚烈婦割鼻貞女露筋鳴
呼千古節孝事談者淚紛紛金氏之女今又聞

解蕭朱舊姍潘楊中表一言字之終身永好何嘗

望眉草堂詩集卷五

五

文蔚堂

結采禰于歸衣素縞嗚呼此心不二同日皎

繼我宗祧撫一塊肉寄生痛再萎螟蛉慘不育嗚

呼女生不辰遭厲何其酷

三解

白馬渡江蒼鵝出

地通德之鄉狂煽烽燧嗚呼亂離瘼矣將安歸父

兮母兮女身相守同憔悴

四解

單鵲之鳴多哀音

蒼施之草不死心蓼蟲常習苦寒蟀祇弔陰嗚呼

百憂千痲深復深

五解

海水枯白石爛桑田變更

陵谷漫漶嗚呼松筠之心厯劫恒不散我撫遺事

起三歎

六解

心耕觀察招同紫庭黑夜泛舟榕湖二首

小艇人三兩衣侵夜氣涼星低疑帶溼水暗自生

光宿鳥依藜薄流螢過短牆冷泠風露下時嗅晚
菰香

不繫舟同葉飄然任所如此間濠濮趣何減輞川
居樹影高於屋泉聲咽在渠夜譚惟煮茗清味已
多餘

十八夜再與紫庭陪觀察泛舟待月疊前韻

二首

何處聞吹笛澄湖一片涼露深沈夜景月上吐清
光演漾懸高柳遲迴近女牆勿嫌衫袖冷卻也染
天香

太白三人共東坡二客如豈知塵市近眞作釣徒

望眉草堂詩集卷五

六

文蔚堂

居小影波侵座禪心月印渠者般清福分不盡且
留餘

邊警四首

年來粵西時事多故寓目感懷久欲有所
敘述遲遲未果今覽紫庭漫興邊事等篇
不覺振觸宿抱因綜括大略足成四章聊
以寄興卽簡紫庭

旗展蚩尤翼軫昏可憐萬騎一朝奔棘門霸上眞
兒戲蟻子蚍蜉失外援前導惟應誅馬謖虛名不
免誤深源黃金內帑時頒賞何故逍遙未感恩
血戰文淵汗馬勳灞陵詔起故將軍敵人望氣聲

先奪和局從中議又夢翻憾捷書遲電報幸多封
事早風聞百年邊警勞宵旰此舉差堪慰聖君
輿圖指掌各分條建置名城赤緊標移鎮可曾韋
虎在籌邊誰是阿龍超窮荒瘴癘青燐冷舊壘蟲
沙白骨銷壯士陳安眞可惜南關日暮草蕭蕭
車書盛事說當年翡翠文犀貢御前遺戶留人依
馬柱賢侯保境望龍編縱揮玉斧能輕外未缺金
甌已犯邊萬里交州賈表使星槎何日再朝天

鄂師竹畫梅見贈余笑其字竹而畫梅嘲之

師竹先生應畫竹渭川千畝君湯沐胡爲變幻畫
梅花以竹爲號花爲屋塌來示我梅花詩副以畫

望眉草堂詩集卷五

七

文蔚堂

梅紙半幅前身合是文與可形隨竹化筆脫俗故
將筆底意清新寫出疏枝花馥馥笑他子猷韻瀟
灑遁作和靖姿冰玉世人但愛曼殊天雨花滿身
不知凌雲礫矼多節目精佛法者不談禪善易理
者不言卜家雞野鷺奚計較兔蹄魚筌忘縛束梅
耶竹耶何必辨是詩是畫皆可讀秋來各有故鄉
情故鄉人到酒初熟清言如諺亦如謠說與先生
一捧腹

師竹次韻和詩有師竹畫梅癩畫竹之句屬

詞趣甚仍疊韻戲答一首

師竹先生癩畫竹翠袖佳人誰膏沐月明鼓瑟怨

瀟湘林下幽姿閑深屋懊儂譜出竹枝詞織成迴
文錦一幅高標獨自亭亭立安能俯仰隨流俗守
勁合比松檜堅含芬不讓荃蓀馥臨風裊影益脩
然清韻時夏琅玕玉節取原無輕棄材願君青睞
常留目調梅雖具和羹手台鼎尙待金甌卜何如
竹箭美東南良工搜采盈一束加膝墜淵諷諭善
舍短取長箴言讀羣材輻輳樂奔走有如輕車駕
路熟古懽拂拭及良時勿使季女斯饑歎枵腹

師竹疊韻和詩並以大幅畫竹見贈意似解
嘲再疊韻酬答以釋前言之戲卽了此一
重公案也

望眉草堂詩集卷五 六

文蔚堂

師竹先生眞畫竹穉筍縵中嬰兒沐放筆千尺走
龍孫羃屨清陰滿夏屋解衣盤礴氣嶽嶽當窗橫
埽徑丈幅畫石不待五日能烘雲全無一點俗淋
漓四灑墨花飛紙上猶餘麝煤馥嘲諧首功是我
詩拋輒戲贈引良玉君身自有眞骨幹略將煙葉
點眉目問余何以知其蘊畫竹卽代龜筮卜橫抽
側出其勢不可抑那如蒲柳受約束齒以剛折舌
柔存焚香三復老子讀方節深知行路難虛心靜
驗人情熟吁嗟乎師竹師竹願君盡洩輪囷鬱律
胸中奇免使芒角槎枒撐腸更拄腹

九月十二日招季同曉舟子研幼菴簣莊師

竹紫庭集望眉草堂補作重九以餐菊之

英輔體延年爲韻分得英字

香山結九老洛下會耆英夙昔慕高躅望之如歲
星頻年理手版苦爲世網縈塵襟欲湔濯重九申
詩盟公事適未了竟爾良會停佳期展三日芳跡
始合并秋空朗青玉朱霞天際晴籬花未爛漫摘
藥中含馨公然設盤敦一一皆歆牲笑脫孟嘉帽
豪揮景山鎗託詞補佳節惜日真多情客有善頌
禱請君側耳聽善哉補義廣可以類推明補拙學
問勤補偏吏事精或則補衰職或且補樂筮造化
亦待補陰陽弭不平凡事能補闕有願皆必成主
嘉賓千萬年長此保令名

輓座師張芝浦中丞

一朝知遇感終身十六年前榜墨新建節舒州開
府重論文吏部寄書頻空聞北闕衰賢牧敢說南
荒有替人翹首皖公山色遠愧無哀誅祭江濱

暮秋遊棲霞寺聯句

勝遊良不易駢師竹 維時秋已杪籃輿上七星顏

蠟屐穿叢篠木葉落蕭蕭司徒篋 滄波流浩

浩拾級攬蒼翠陶紫庭 鑿幽窮窈窕森垂鍾乳危

徐季同靈闢雲根巧凹凸徑險仄師竹 嶽崎樓尖

望眉草堂詩集卷五

九

文蔚堂

小古采青紅剝

義宣

圓光金碧繞斷巖樹極杈

質

絕壁藤天矯白石悶仙蹤

紫庭

青霞滌塵抱安

禪集怖鴿

季同

盤空數飛鳥平楚判陰晴

師竹

寥

天辨昏曉錯繡川原縛

義宣

如畫城郭好二華感

陳迹

質莊

五詠翻新藁秦碑蝌蚪蝕

紫庭

宋碣莓

苔埽奇情寄幽邃

季同

微尚託林表清饌伊蒲甘

師竹

香飯胡麻飽逸翰騁陶謝

義宣

麗藻追顏鮑

共舞都盧橦

質莊

齊父長吉爪墟里生暝煙

紫庭

牛羊下古道去去重裘裛

季同

數峯青未了

師竹

題姚子藩太守春江雨霽載酒遊浮山圖

我不識浮山浮山在圖畫滑笏綠波晴峭帆江天

望眉草堂詩集卷五

干

文蔚堂

挂

春江醲於酒隔岸多楊柳宛然小金焦買渡瓜洲

口

簿書有餘清吏民以爲便指點醉翁亭時時太守

醺

箕莊以柳州道中作見示余赴任遷江適經

此路卽景次韻和答

亂後難除桀驚風磽田猶自沒蒿蓬羅池廟古遺
民拜司戶墳荒野徑通舊雨低回人宛在斜陽憑
弔意相同吟裝點綴多秋色楓葉蕭疏處處紅

遷江衙齋和答箕莊四首

狂喜魚書下開函比異珍別來稀得句歲晚重懷
人許劭評何當林宗鑒最真諸公能薦士賞不到
風塵

不爲重陽會何由識俊豪才名常少尉風調路都
曹宦迹同清冷吟情正鬱陶崑崙關咫尺春望暮
雲高

地在金沙尾

紅水河卽
金沙江尾

荒城倚岸隄蝠飛燈撲燄

虎竄跡留泥煙火居民少墟期小市齊無邊生意

思綠徧草萋萋

豈好鷹鷂擊其如秀雜良少年苦鄉里博戲廢農
桑租賦多磽瘠民風久陸梁刊章擒杜穉庶可勵

望眉草堂詩集卷五

三

文蔚堂

嚴霜

並蒂菊爲子研作

鞠部多收三百種淺深濃淡不雷同新看並蒂鴛
鴦宿定有穿花蛺蝶通采藥弟舅吳泰伯負春夫
婦漢梁鴻餐英又可添佳話訂入君家畫稿中

次韻和答子研一首

欲展杭裘謝未遑牆頭猶有舊栽桑

前令周君蕃
教民種桑惜

良法未行
周浙江人

一從按部舉惟到祇爲刑書鑄鼎忙渡

虎可能如宋守化梟真箇羨仇香相期布令如春
澤休負東風好景光

季同先生爲繪望眉草堂圖并題長慶體詩

歌於後依體和之

吾家草堂何處是祇在千山萬山裏
椽杙江邊春水生夜郎城上明月起
許渾別業丁卯橋楊雄故宅成都里
一畝蝸廬仰峨眉中年鴻爪留桑梓
桑梓先年苦用兵紛紛篝火正狐鳴
略地頻開莊蹻壘征蠻重駐孔明營
鬼方未卜三年克播郡難教一戰平
上書竊比壺關老建策欲希洛下生
上書建策都無用松菊仍與草堂共
跌宕新篇錢起吟酣嬉罪言杜牧諷

謂莘民子明

抵掌雄談天下局
擲揄屢被時人闕不料剝極泰轉機
諸君盡作明堂貢

明堂作貢入京華文藝十科炳綺霞

自丁卯至乙亥共放十榜

望眉草堂詩集卷五

主

文蔚堂

搏鵬競奮青雲路走馬爭看上苑花
豪懷不落同甫後盛名肯使戴憑加
塵土輭紅都踏徧草堂回首天一涯
天涯回首歸未得輕裝去作濟南客
白雪樓冷弔斜陽歷下亭孤弄秋色
杖策高登日觀峯掉頭猶覺八荒仄
珠履羞跋孟嘗門重訪吾家光祿宅
吾家光祿守南州第一江山八桂游
東泛梧城西柳郡年年薄宦任沈浮
今年綰符紅水上此水直接牂牁流

遷江紅水河上通雲貴

春風夢想陽明洞

暮雨人懷甲秀樓

陽明洞甲秀樓皆黔極名勝處

甲秀樓聳鼇磯

上破荒臚唱頭名狀回憶交游少年日
負氣不甘

古人讓苦將制策擬髯蘇萬斛泉源詞
奔放壯不

如人老可知何況朋儕多凋喪垂老功名重賞音
孤桐百尺鳳鸞吟吹噓文穆懷中袋物色成連海
上琴豈有青萍求定價何妨敝帚享黃金騰鱗祇
借三分水伏驥不忘千里心黃綬豈薄銅章小從
公那得輕草草但無詈罵及姓名何必官居在蓬
島唐有幼公宋石湖一方治績昭嶺表丈夫得時
唾手爲不爾卽是歸田好思鄉欲作草堂圖沽酒
酌君倩君摹安排鼎銚添詩本點染林泉認舊廬
贈編新交多密友鑿楹治理仗通儒卽謂季同固鄉草堂
敢望雪堂似全憑墨妙徧江湖

除夕卽事

望眉草堂詩集卷五

三

文蔚堂

飲罷屠蘇漏點遲添鑪屢問夜何其團圍守歲同
民樂和藹如春到處宜竹園鄉風勞遠夢桃符新
景記兒時東君著意傳消息開到寒梅第幾枝

望眉草堂詩集卷六

丁亥起戊子止

貴筑顏嗣徽義宣

元旦花廳試筆

山列屏風繞畫檐
曉春潑翠上峯尖
祇因歲首民詞少
漸覺日長晷刻添
琴韻陰流綠綺印
床花煖護紅籤
催詩雨並郵筒到
蘸呵吟毫手自拈

迎春詞

髻花腰鼓唱催農
夾道青旗一色濃
昨夜珍珠拋雨點
要將山黛洗春容

獅子西涼假面裝
魚龍曼衍水嬉張
山城漫道春風寂
鼓吹蠻歌入畫堂

望眉草堂詩集卷六

一

文蔚堂

梧城官妓舞衣鮮
虎瑟鸞笙彩仗前
乙酉在蒼梧迎春此

處僊童三五隊也
簪蟬鈿上鞦韆

使君帶酒劇風情
烏帽黃鞵按部行
但願茅檐無犬吠
花明柳暗看春耕

和子研元夕玩月

四山雲氣捲碧空
明月早昇榜山東
漸升庭院虛晃蕩
清輝射目白晝同
山城無燈祇看月
夜深寒氣侵肌骨
官廨疎燈火幾星
光燄若將爭蟾窟
對月懷人隔千里
與君僅隔衣帶水
君弄梅花學逋仙
自鋤明月種江邊

原詩有歸來冷抱梅花宿句

我亦吳質月

中立倚桂不眠清露溼

和子研女游仙詩十首

碧鸞駢駕七香車
夜宴飛瓊阿母家
酒氣半醺花氣合
紅潮散作海天霞

紫薇宮闕豔陽辰
排列仙班謁上真
霧鬢風鬟多不識
姍姍猶認李夫人

星冠霞帔象牙鉤
杏子紅衫綠臂鞦
底事者番金碧爛
豔裝新挂雉頭裘

寶籙簽名尹與邢
天宮侍御選娉婷
老翁下界偷遊戲
執戟人間有歲星

仙家那恨別離多
昨夜牛郎已渡河
抱膝支機橋上坐
靈源清淺不生波

望眉草堂詩集卷六

二

文蔚堂

看花百子玉池邊
摘取匏瓜一顆鮮
步上天街雲絮軟
紛紛多是白榆錢

解渴金莖蔗露漿
擘來麟脯勸卿嘗
桑田萬頃春如繡
只種胡麻不種糧

簫聲鶴影月如霜
碧海青天路渺茫
雙髻小姑初證果
度人疑是呂純陽

劉綱蕭史總乘龍
姓字齊邀秘冊封
畢竟仙人攜眷屬
何須脫屣羨喬松

縹緲虛無總寓言
心葩怒發舌瀾翻
君家自續羣仙傳
詎有情天悟夙根

三月十八日與同僚祈雨龍神祠是夜得小

雨前在 雒容祈雨次東坡沂山祈雨韻再
疊此韻

檐馬丁冬屋瓦鳴
蠻藤枕上傾
兩耳聽盡風聲辨
雨聲夜暮沈沈漏
轉幾窗隙電掣紫
金蛇眼如銀
海光中洗欲降不
降浙浙來阿香推
轂碾輕雷震
霖纔溼落紅徑凋
枯未蘇蒼翠堆
燈蛾亂飛牆蚓
吼礎潤果應雨徵
否腰脚吾且振衰
慵率領同官
走禱龍龍神似難
深避拒聊施寸霖
貺歲功終歲
勤農幾斛穀斯民
肥瘠吾有責即使
當道見優容
清夜何能寬自効

次日報祀龍神祠

望眉草堂詩集卷六

三

文蔚堂

拂拂靈風作勢高
半空百尺捲飛濤
祈霖羣望焚
香切聽雨中宵
盼澤勞千戶翠
低新插柳一江紅
漲欲翻桃朝來賀
客催詩句謝少東
坡健筆豪

廿五夜四鼓大雷雨喜次前韻

潑墨濃雲十丈高
漫天傾瀉廣陵濤
韻教旱魃炎
威歛多費神龍汎
灑勞花片闌珊
飄玫瑰樹頭酣
潤熟櫻桃春農從
此相安堵陡覺吟
情分外豪

詠後圃桑

前令周君所種

使君留意理桑麻
遺愛甘棠在舊衙
移種黃州三百尺
覆同杭郡萬千家
柘枝密密輕陰護
羽葆童
童小徑斜春曉柔
條垂屋角雨餘綠
蔭上窗紗蠶

娘滿箔眠初飽。鳩婦催晴語。正譁紫萸芬芳宜釀酒。紅榴交亞。早開花猗猗陌上。飄非絮。短短籬根。拔去茶良法。至今嗟廢棄。窮簷寂寞。少繅車。

衙齋花木雜詠二十首

薄寒乍暖時。春光最明媚。當軒一兩株。便有漁人意。絳桃

浮榮何足羨。朝華暮卽落。鼎鼎過百年。及時當行樂。木槿

刺桐發生遲。爭春不同眾。穀雨嫩甲舒。綠毛挂么鳳。刺桐

首夏滿著花。花多恐傷質。試收爛漫霞。凝爲琥珀質。石榴

望肩章堂詩集卷六

四

文蔚堂

盈缺候姮娥。嬌嬈自俯仰。花好半開時。新月弦初上。月季

材不中繩墨。工師棄弗顧。磐磐養天年。嗚然五石瓠。老榕

紅照淺深花。儘多溫煖意。留待莫休符。采入風土記。木棉

注釋南越傳。至今疑桂蠹。此木錫名蟲。笑學邯鄲步。蟲樹

魏宮薛靈芸。唾壺承紅淚。花朵化斑痕。宜簪美人

髻。夜來香

端宜臺省植何如墮荒僻時無白香山誰與共標
榕紫薇

新綠補牆陰移種三兩本纏綿聽雨聲翦燭西窗
晚芭蕉

晚霽殷更嬌斷垣紫盆凝六朝去恩恩千年金粉
賸 臘脂花

暑汗溼羅衫拂扇科頭坐薊澤太泥人人定禪心
破茉莉

秦樓小鳳皇彩翼雙飛集何時到三山飽啄雲子
粒 鳳仙花

丁香藥尚結豆蔻梢猶掉解意是芳椒驟然開口
望眉草堂詩集卷六

笑
椒樹

五

文蔚堂

四圍嘉卉列惟卿清且壽留作老圃香晚芳獨領
袖 盆菊

涉江采芙蓉褰裳竟欲濟不嫌曉露多惜此秋色
麗 芙蓉

鴻雁來何遲昨夜有霜氣橘柚著新黃井欄繖絡
緯 柚樹

二十四番風此花獨爲殿自爾招鷓鴣雛纍纍實可
嚙 棟花

靈椿八百年嬰鑠不凋朽如臂萬新芽達人昌其
後老椿

生辰自壽二首

麥隴桑疇氣正和華堂何事作笙歌囊清尚覺心
無累帶長差強鬢未皤余素羸瘦近略豐頰衣領改寬故借用解帶量松長
舊圍父老爭持豚酒至文章因積歲時多家山料
得親朋聚又叩門庭舊薜蘿

諸公臺省曳華裾漫笑功名我不如兩地兒孫齊
祝嘏廿年疾病盡消除余半眷隨任半眷望居何
多年瘧疾今幸豁愈須令僕方尊大卽此絃歌便有餘清興邇來殊不
淺了完公事又攤書

閏四月初七日客到小酌晚間雷雨大作次

前韻

望眉草堂詩集卷六

六

支蔚堂

天上黃河落最高奔騰怒立海門濤席前借箸聞
雷失屋漏移床避雨勞布蕩想應催翠剡滌煩真
快曠冰桃嗣宗清嘯伯倫醉坐客有善飲者那識人間有
二豪

正學招飲摘園蔬供饌出示謝副齋惠酒之
作次韻賦答

曾敲菜根風露香此中甘苦昔年嘗青芹煮飯詩
家品白粳調羹異味長公瑾交從醅處密寬饒酒
是醒時狂相期澹泊明吾志肉食輸他榮一鄉

五日江亭觀競渡

結艾懸蒲作重五家家綵縷繫角黍日斜江上醉

飽時船頭鞮鞢聲伐鼓大船觸觸破浪行小船鬻
鬻勇可買雙分若卻復若前柳絲風颭棹翩翩再
接再厲局一變擊汰揚舡爭後先颯馳忽發霹靂
手當關一躍蚤弧擧萬人聳觀齊叫譟意氣直欲
凌雲煙去年水潦室懸磬釜底無炊甑生甑今年
沽酒買肥魚龍舟賽會唱于喁太史如采此邦風
民樂即可覘年豐

紫庭寄示桂林城北觀瓊花詩詫爲新奇寄
和四首

不是新詩生面開塵寰誰識此丰裁檀心玉瓣蓮
花蘂姑射仙人月下來

望眉草堂詩集卷六

七

文蔚堂

蕃釐觀裏壓羣班博得君王照玉顏豈料江都行
幸後猶遺仙種在人間

八仙花樹補清芬韻態猶嫌減數分苗裔嶺西開
別派可無孤鶴亂雞羣

姚黃魏紫后王誇金帶圍開宰相家若是此花占
作瑞定知文燄發奇葩

次韻和子研來賓寄別之作卽送赴調靈川

新任

秋風將動碧梧枝正是鶯遷話別時史祿靈渠修
故蹟龐參新政慰相知鄰封邾魯常聞柝郵遞白
元送和詞此去湘灘當較遠百忙先且走清詩

題硯賓太守逸農筆記後

浮沈執戟總君恩大隱朝中混冕軒太守先官農曹託名逸農

以寄東隱之意曼倩滑稽饒諷勸十年待詔在金門

一麾出守廣南西三管雲煙任抹批搜續河間書

五種此書大致做閱微草堂記當頭捧喝指津迷

公子翩翩出使回三韓雜詠進蘭臺長公子公望觀察出使日

本有雜事詩曾進總署一門徐庾傳家盛盡擅文章著作才

才名金粟傲容齋巴曲曾經摘句佳淮生粟香筆記采入望眉

詩筆底餘波譚藝事何妨曹鄴廁編排

蝴蝶詞

遷江戶少城荒大半曠土春夏間芳樹成

望眉草堂詩集卷六

八

文蔚堂

幄嫩草如莎常多蝴蝶逾垣入署飛舞廳

前鏤金錯采五色嫋爛真一幅絕好滕王

圖也戲做温李體以作消遣

游絲晝靜芳樹深微雨初過綠多陰彩蝶紛飛倏

上下成團作隊舞雙襟蜜蜂露蟬相勾引徐熙妙

手開畫本瓣底撩鬢正采香枝頭拍板常曬粉大

如栝醜小如錢此中疑有羅浮仙五色金裙撒碎

錦落花依草何翩翩朝課芭蕉晚課芍生趣滿目

堪行樂不似莊生夢蝴蝶栩栩遽遽空寓託訟庭

閒靜山城幽倚花判事常勾留如此清麗良難得

果然為政足風流

輓貧莊少尉三首

世路悠悠者逢君眼獨青重陽方會合一尉竟飄
零泡影馳奔電知交散曉星碑文吾輩事何日爲
題銘

操觚累千百此筆迴無雙俗耳箏全洗雄詞鼎可
扛方千艱一第賈島困長江頓作巫陽感寒風入
夜窗

歷落生平友相思可奈何舊交金筑少名士嶺南
多余宦粵所交名流多嶺南人歎逝陸機賦送行王式歌存亡
皆異地望眼幾摩挲

選刻劍潭姻丈海禪詩集題後

望眉草堂詩集卷六

九

文蔚堂

杜庫曹倉貫典墳鴻才空惜抱遺文詞科召試昇
平日自過乾隆已不聞

景純詩句愛遊仙一粒珠光五色圓二十年前樽
酒話秋山紅樹晚涼天余與劍老論詩在壬戌之秋

把卷沈吟到夜深披沙必欲揀黃金世無選手商
邱老宋牧仲中丞選有江左十五子詩誰抱憐才一片心

和季同寄贈秋日感懷詩用原韻兼簡固卿

山城木脫又新秋良會何人共唱酬賓客尚虛宣
武幕參僚誰從庾公樓吟詩倚徙看山好判牘清
閒似水流一榻久懸今未下高風孺子待南州

勸君酌酒且消愁任運何時不自由種樹偶然師

柳傳采菱隨意蕩蓮舟空囊笑我安清宦長袖憑
人據上游最憶崑山好兄弟雙魚早晚下昭州

子上年丈因事寄書賦此奉懷

一雁南飛送曉音家山遠隔碧雲岑故人屢變才
逾上數世聯交誼最深對望宇衡勞夢寐童時遊
釣費追尋高風約傲陶貞白何日黃花采共簪

花廳寓月軒舊有茶房二間遮蔽命工撤之

修飾西廊可東望榜山一帶喜成三絕句
一指在前山不見欲邀邱壑意何慳商量移去數
椽屋看徧東南十里山

山光遮斷月來遲撤去藩籬放入之秋月一輪峯

望眉草堂詩集卷六

十

文蔚堂

頂出水晶庭院白玻璃

窗中遠岫聳烟鬟謝眺宣城在笏間曲檻新開窗
面面榜山可似敬亭山

新種芭蕉初活

軸捲蕉心放葉難朝昏相盼倚欄干生機隨我閒
情展占卻濃陰數尺寬

喜雪

更闌夜靜暗霏霏鋪徧祥雲映曉闌過嶺地能消

瘴癘凍春天爲釀芳菲十年我憶瓊樓冷

飛土人云此地間有雪霰今歲百歲人驚海市稀飛花蓋廿餘年所無者矣

最是化機堪傾略酒顏溫處笑顏微

除夕卽事

邑向多盜案今歲將盡無報盜者

牙鼠穿墉啄屋烏年年臘盡急官符衙齋有暇看
栽種堂鼓無聲息譟呼差信甚鋤多劇盜何曾窮
竟累非辜泥根枯萎階前草一夜春風已漸蘇

元旦試筆次張耀堂廣文韻

弄寒作煖曉春天綰綬紅河又一年魚愛明漪知
極樂鳥安美蔭未忘黜恥分祿糈清時累小有詩
名海內傳草木羣生皆自得

漢文帝賑貸詔語

游心嘗溯

漢文前

近黃河決口詔旨極惻怛撫恤

新移錢梗海棠一株高可五六尺許枝幹盤

屈花苞茂盛躍躍欲開洵佳品也作詩賞

望眉草堂詩集卷六

十一

文蔚堂

之次東坡定惠院海棠詩韻

蕭艾叢中有珍木名花落落賞心獨移從蓬戶置
錦茵破格不嫌驚流俗連宵白雪霏梁園一縷新
陽回黍谷枝格瘦硬森古鏞韻態豐穠照華屋探
訊不妨體忍凍療飢甯可食無肉劍光秋水神偏
健環珮春風豔充足俠客骨氣美人姿圭稜外露
中温淑使君判牘時有暇數典常搜如筍腹生平
飽讀五車書史編披拭汗青竹曠觀今古貴宏通
隅見肯拘如豆目道學文苑分門戶紛紛朋黨爭
洛蜀馬癖錢癖同是累癖花猶未失正鵠堂皇高
坐凜官箴清醺退居亦顧曲賞花壽以金屈卮狂

言那知忌諱觸

續衙齋花木雜詠十二首

此花寓黃州東坡已獻歎何況置嶺南土人安知

貴

海棠

一樹穉垂垂自有賞心者附和恥隨聲爭趨時名

下

枇杷

色香韻態神無一不殊絕而我傾倒君尤佩在一

潔

水仙

脈脈感同心千里共明月臭味苟不投一室判胡

越

素心蘭

道傍有苦李杈桠榦凌躡著花倒薤垂摹來右軍

望扁草堂詩集卷六

十一

文蔚堂

帖

苦李

牛溲兼馬勃何物不備用勿棄樗散材培養可作

棟

榭樹

根祇喜澆茶茗飲清似我淘汰作奇葩如茶復如

火

山茶

百花儘含情情多恐掩性忽逢有道人肅然生恭

敬

菜竹

明麗愛依樓惺鬆喜近水踈地作柔情絲絲不能

已

新柳

十載長安道春光讓人占例準三槐堂雙枝齊吐

豔

文杏

卑棲屈大才古黛時流液會須逢雷雨一聳二千尺
翠柏

水仙一莖十三花 仿花史命題

凌波羅襪不生塵翠羽明璫照水新恰稱臨池王
大令十三行寫洛妃神

廿一日夜大風雷電繼以微雨次早同僚恐

海棠闌珊以長句問詵作小詩報之

五更枕上雨風聲愛惜紅芳百緒縈報道先生花
事好綠陰結子更多情

清明思家

東郭濃春寺觀邊桃紅如雨柳如烟時新筍蕨鮮

望眉草堂詩集卷六

十三

文蔚堂

蠶豆正是清明上冢天

曲徑

行行曲徑踏泥沙到處青蔥茁嫩芽牆角新添三
寸筍枝頭纔放二分花濃春城郭炊烟繞新霽亭
臺曉影斜風味也希文潞國定瓷初點小甌茶

種花

清狂豈是阮生疏政簡耽閒自有餘綠引鴨頭穿
徑水香攜鴟嘴種花鋤破蕉重展陰猶淺穉柳新
移葉半舒更想芳塘開一鑑亭亭獨立賞芙蓉

看山

看山常倚畫欄邊二月春深燕子天雨洗層巒濃

潑黛風開新葉淡含烟觀書小倦微依枕步履輕
寒欲換綿卻幸調和時令正四郊蔥蒨墾秧田

暮春月杪因公至思恩郡城黎英圃廣文偕

訪陽明書院遺址昔年亭臺結構風景頗

勝聞中李太守彥章嘗醺集於此兵燹後

一片榛莽惟餘碧水半湖亂石成叢而已

感賦二首

綠過平橋水一方古槐疏柳色蒼涼空餘蔓草難
尋徑舊種荷花尙有塘奇石縱橫堆怪勢斷碑零
落別佳章荒墟半賸藏經壁知是當年廢講堂

三月春陰晝渺冥平蕪冉冉免葵青繁華過眼渾

望眉草堂詩集卷六

十四

文蔚堂

無迹文字留題尙有靈吹笛何堪桓子野流觴重
感晉蘭亭廬陵太守流風歇羣屐賓朋醺久停

孟夏月生辰邑人公送匾傘演劇宴客卽席

賦呈四座

童耄依依晉祝釐人情敦厚避何之姑除庭草延
賓客可笑名花照鬢髭一部歌伶將進酒兩行官
燭夜彈詞更闌別度新翻譜噫噫鶯聲在柳枝
星斗闌干半夜分一聲入破酒初醺金釭銜火連
珠耀翠袖生香百和熏未免有情聊復爾庶幾無
疾豈非云吾民階下欣欣喜老健圍看杜司勳

邑紳士以詩祝壽賦此謝答

公堂百里遠躋攀輿頌同聲倍赧顏未秩浮沈袁
大令中年陶寫謝東山白鬢紅帶身差健美酒清
歌治亦閒一刻千金非妄語夜遊秉燭豈猶慳
仙吏風流信有因新詩傳誦徧時人藥非常餌偏
延壽花爲多情滿放春錦宴排張開治閣嘉賓酬
醉卽農民更添韻事書歌扇細字斜行手自親

題巴猿夜嘯圖

倚天巉巖開青嶂飛瀑懸挂絕壁上中有蒼猿月
夜嘯過客聞聲神悽愴畫師豈會到巴巫胡爲寫
此生綃障含毫吮墨貌狙公盡態極妍各殊狀一
狙跳躑尙空攫仰掌欲接蜜蜂落一狙低首抱巖
伏目光灼灼頸短縮飲水一狙若酒醉狙兒橫卧
枕其臂其餘或坐或清嘯攀藤擲果越孤嶠更有
巖陰不能測朝三暮四眾狙國吁嗟乎巫山三峽
猿聲哀廿年曾經放棹來拾橡窮非杜陵叟挂帆
狂擬謫仙才彩筆氣象不可干白頭簿領看粵山
披圖觸我前遊夢猶在高唐雲雨間

五月十八日祈晴

黑蜨升太空霾翳四山蓄雨腳直如繩旦昏無斷
續田禾愁漂沒飽餉魚鼈腹市井居旒隰排牆頻
壓屋行旅阻巨浸津渡畏洄洑歲功倘歉收農氓
生計感租賦難營辦催科煩敲扑輸課卽如期醫

瘡已剝肉下走詣郊壇率屬焚香祝詰朝方有事
漸覺陰氣伏三朝日明融天心占來復自揆竊仕
祿禱請常從欲宰胡繼宰雒祈雨雨霑足蒼梧禳
水災陽侯聽驅逐生平拙求人面赤踉蹌求之
或不得所得匪干黷因是寡妄求庶幾免多辱詎
知爲民求有求應卽速何德可感召私心自慚惡
時會逢偶然劉昆言佩服

六月初十夜用冷字韻一首

花陰滿院碧泠泠夜靜無聲漏暫停月小新光斜
半壁露濃涼氣逼中庭籬根暗蟀唳常黑樹杪流
螢閃更青消遣閒情人未睡幽香時或送疏櫺

望眉草堂詩集卷六

六

文蔚堂

十一夜再疊冷字韻一首

夜涼如水最清冷宿鳥驚鳴起又停花徑陰陰開
別墅瓜棚淺淺覆前庭星光吐趁深宵黯天宇措
還太古青幾縷微颿真卻暑刺桐葉響打窗櫺

十二夜三疊冷字韻一首

連宵風景浸泠泠卽景聯吟筆未停銀漢微茫收
遠渚冰輪皎潔瀉空庭臙脂色染花嬌紫翡翠翎
舒竹健青絃誦琅琅鄰署近欲尋鄭老過書櫺

十三夜四疊冷字韻一首

晚雨剛收夜氣泠滴殘簷溜響初停柳梢扶起風
多力花影移來月滿庭判事筆憐硃近赤觀書眼

愛簡分青新秋賦感歐陽子唧唧蟲聲繞四櫺

十五夜招兩學捕廳玩月小飲五疊冷字韻

遲君不至暮冷泠淪茗燒香且少停河朔納涼開

小飲高陵爭產釋公庭適有同族爭田構訟訛結金波漱盃

光碧珠斗森寒劍氣青話到中宵圓妙極姮娥飛

下舞軒櫺三更後月正當軒

再簡兩學捕廳一首六疊冷字韻

昔日輕舟江上停茶經泉味品中冷何期良覲來

邕管尚憶秋輝滿洞庭丙子李夏坐輪舟二日半由金山駛上洞庭正值月

明如詩思剛酬歌扇綠酒痕還認舊衫青一年幾

似今宵好盡做文窗屯字櫺

望眉草堂詩集卷六

七

文蔚堂

晚雨初霽臙脂花開放千百餘朵與碧柳翠

竹相閒鮮妍可愛得二絕句

無數鮮花傍翠微明霞相映更芳菲山頭衣錦嫌

多事清貴天然賜紫緋

帶雨盈盈帶露香朝宜清景晚宜涼嫣然一笑好

風致不數邯鄲挾瑟倡

新汲老梅村泉水烹茶

龍井筑城西石泉清且旨烹茶無宿翳幼小習鄉

里歷下珍珠泉七十二泉紫客遊飲一勺至味甘

如醑十年羈宦轍無暇品論水渴驥困鞍韉奔泉

不擇美醜鼠飲於河滿腹願卽已蟠胸橫芥蒂入

口雜泥滓嚙之苦且鹹吐之出復止風塵抗俗狀
其鄙固如此邑有老梅村山泉噴泚泚呼僮汲水
歸照影瑩徹底活火竹鑪煎嫩湯瓷甌醜沸點蒙
頂芽乳潑雨前蘂一咽沁心脾冰雪霏玉齒對茲
觸鄉懷藉爾消宿痞微嫌離城遠取攜混相似擬
置調水符佳話從吾始

監盤衙署義倉自嘲

言言高廩積陳紅卓午開扇透好風喉舌上卿司
斗柄馬牛下走託倉公筦封謹守侵無蠹蠱卦占
飛恐化蟲儲時備荒雖善策焚香願與祝年豐

次前韻酬答邑紳士

望眉草堂詩集卷六

六

文蔚堂

雪上留鴻亦夙因邕江何幸識詩人菱荷製服消
長夏藿菜調羹報晚春遷江出山莊陳直奉親養
老書藿菜羹卽此見通志
西漢退歸嚴武客北窗高臥葛天民彼姝莫悵知
音少了了干旌自許親

螟蛉篇

狗乳雞代哺異類恩能推螟蛉螺贏負形氣竟相
移鴟鳩啣桑甚寄生道傍枝栗薪繫瓜苦結實已
垂垂邑有武氏子伶仃幼孤羈阿爺從軍行游蕩
久不歸阿母改醮去訣絕臨路歧七歲遭掠賣異
姓李收之飢寒感瘡疥形相實冠羸李愛善撫視
覓藥爲調醫香蘇沃我湯粒糗我飴生死月白

骨枯朽復華滋稍長送入塾粗識訓蒙詞小人居
近市子母權銖錙相倚爲性命家積有餘貲東隣
沽美醞西舍買豚蹄南街拾蔥薤北里百醬醢饗
殮懼聚首慈孝兩依依擇配碧玉女納采將結褵
阿爺附書至小隊擁一麾公堂呈牒狀秦璧求趙
回不佞援例斷判令還宗支詎知武氏子苦訴涕
漣而親生雖毛裏異姓感恩私官判不敢拗願祧
兩家祠戒旦別繼父臨行請緩期墳塋當祭埽家
計待勾稽登堂不忍舍號咷相抱持健卒守催促
牽挽強分離間里爲動色行道爲歎咨嗟嗟一脈
親尙且天性漓異姓爲父子恩愛重如斯孝義有
可采故爲作是詩

望眉草堂詩集卷六

九

文蔚堂

暇日搜檢頻年師友筆札詩箋粘聯成帙其
人則皆地北天南長逝者且十之二三矣

感書卷尾一首

寸金尺璧碎珠璣補綴渾同百衲衣短札尙如親
笑語零篇猶想見清輝懷人秋至來鴻少感舊年
深化鶴歸片羽吉光真愛惜枕中秘寶比龍威

自鳴鐘十二韻

七言長律體最難工故古人少作偶讀阮
文達公詩集有玻璃窗長律作此倣之

圖書彝鼎滿齋清一架金鐘座右鏗妙有樞機占

刻驗不須戛擊應時鳴圓靈四表如儀器主宰中
央似玉衡現大法輪從掌運得真天籟總神行盈
虛英任祥冀換銖兩根由累黍生滴水銅壺聽點
點投籤石砌響錚錚榻間蝶夢敲頻醒窗外鸚哥
打欲驚拱北星躔周六次指南鍼正恰三更旋同
蟻磨奇何勑報比雞籌製更精學士花甌休視影
高僧蓮漏漫爭名陸倕奉詔銘推美孫綽操觚賦
定成吾亦以詩鳴自樂風雷蟲鳥盡關情

雨中看木芙蓉

密密如絲細似砂輕陰薄靄護芳華綠點綴嬌
黃葉紅暈燻蒸淺淡花芙蓉朝開淡白午變淡紅夕變深紅綠葉微黃尤助

望眉草堂詩集卷六

二十

交蘭堂

嬌一幘折枝大癡畫數分秋色右丞家禪心那得
維摩淨綺語頻煩手八义

地球七十韻

須彌三千界洪荒五大洲亞細亞歐羅巴阿非利加南北亞墨利加澳大

利崑崙窿嶽峯萃瀛海濶沈浮南北冰天極南北極皆有冰

海東西日道道鯤溟寰宇運鼇柱廣輿周源向黃

河瀉沙分弱水流葱嶺東西發源東分星宿海黃河西分納林阿母印度諸河

星羅隨斗柄碁布滿枰椒震旦中華顯虞淵下土

幽歐巴紛島嶼亞墨啟遐陬蠕蠕穹廬古狷狷部

落稠煥邦民裸袒寒磧國旃裘窟勢如箕銳圍形

倚杵儂南洋地盡處皆銳迤入海烏踈迷晝夜羊胛失春秋北

海冰疆冬有夜無短體槎編縮長軀卷蠱影極北

畫夏有書無夜極南身不逾四尺極南之人長一身有半鯨波噴湧深龍窟蟄蝸螺海皆

有鯨魚南洋昆倫神龍所宅泉湧金沙溢峯尖火燄灼獸犇獬

獬猶鳥嘯怪鶴南亞墨利加產金沙金剛鑽有火峯常煙燄燭天多奇獸怪鳥

據西疇西洋羅馬即漢書大秦國唐書拂菻國亦大秦所屬傳世二千餘年地歸一統盛

頓稱良辟謂美國拿侖視寇仇謂法國傳賢宗揖華盛頓

讓各霸等諸侯美利堅公推統領露紛祆神奉雕英法義勢同列國

題梵教修耶蘇言久溺宣聖化難柔外域皆奉耶

佛祖諸教算法精三角天文辨九州午方昏旦驗亥部蘇天主火神

杪分勾窮髮皆親歷懸繩恣遠游驅除營草昧蘇

望眉草堂詩集卷六

文蔚堂

闕徙刑囚礦穴心常豔獠墟志未醜澳大利亞巨

穢奇詭尤甚於南亞墨利加西人從囚開墾冀採金礦指車初內向上壤得古未開其荒

少休闕瞰當明季權輿湖漢劉潮來初似線芥泛從疆臣林富求

小於漚芽自葡萄葉租從林富求前明葡萄牙始

澳門租地立舖外洋羣起慕香港一隅投麈聚如梯米羈從疆臣林富求

糜僅綴旒鑿山通地頸東西兩洋中隔蘇爾士陸

治年間鑿開水程大減惟巴拿馬尚未能開也破浪走輪舟安息鮫人寶

條支獅子毳織皮工毳罽鑄劍淬純鈎翡翠兼犀

象銀罌並鐵珍通商番舶湊大埠賈胡留七曜旗

旛畫雙鷹貨幣鏤木棉勤遠販罌粟善奇售列肆

衢磨發宵燈炁代油腥羶調異味蠻馱發倡謳窄

袖舞鸚鵡危冠笑沐猴蚪髯客如蝟深目豎名牛

僊語頻翻譯橫書費校讐西洋字皆由左橫讀椒蘭薰浴室

鷄犬任高樓丹荷猶孱王英峩號大酋沿邊官領

事各口鎮兵頭鐵路馳烽火戈船被鎧鏊雷轟機

發水電掣綫傳郵子母花開礮連環蒟中鏃短兵

偏不利陸戰或非優合遂盟槃敦爭還執盾矛度

支需權稅餉精賴公抽屢請和條換陰圖利柄收

般佞輸巧技商管竊遺謀印度曹勝附倭韓魯衛

伴北門空鎖鑰臥榻任駢駒少保軍宜練朱仙陣

可蒐匈奴規斷臂答臆扼爭喉愚謂爲今之計似宜做練岳少保背

鬼軍戚少保鴛鴦陣由陸爭取印度招致蘇門答臘漢人緊扼海峽亦控洋之一奇也如許

望眉草堂詩集卷六

其

文蔚堂

括囊大伊誰借箸籌憂心真似杞辯口欲窮鄒班
志編猶略山經闕未搜大秦探彷彿博望說荒裔
載筆羅紋掌披圖瞭燭眸於今通虎節自古限鴻
溝鶉鱗胥交錯元黃盡載疇祖生豪擊楫仲氏慨
乘桴帷幄謨須遠屏藩力共勦乾坤旋斡手妥帖
奠金甌

重九探菊三章

蔚彼籬菊扶疏其葉霜華陶冶土膏潤澗高韻娟
娟幽馨裊裊公餘有暇圍亦屢涉

蔚彼籬菊纍纍其苞瓣萼未展醞釀曲包黃中通

理正色不淆蒼蒼翠竹左右相交

蔚彼籬菊燦燦其英含芬吐秀風露何清出則稚
圭處則淵明珍重晚節有酒同傾

折黃菊供瓶玩

秋英一朵膽瓶高紉爾清芬詠楚騷最是斬新花
態好上方熏染柘黃袍

黃菊有一種名柘黃袍

題吳駿公祭酒梅村詩集後

墓門圓石署詩人不幸滄桑際此身黼黻梁廷召
齊士風雲貞觀厠隋臣元和長恨歌翻舊六代陳
編典運新促管繁絃頑豔感餘音三日繞樑塵

題王文簡公漁洋詩集後

導河積石盛唐音開寶鴻篇鍛鍊深窈審牛鳴宮
望眉草堂詩集卷六

望眉草堂詩集卷六

其三

文蔚堂

入律角同狎挂迹難尋詩人顯達高常侍名士從
容梁甫吟一代扶輪推大雅談龍著錄總私心

題朱竹垞檢討曝書亭詩集後

九苞鳳采向陽飛詔舉鴻詞起布衣義攷石經譚
白虎奇搜樂府辨妃豨稗官野史蒐羅富熊掌猩
膾旨味希盛世兩朝開曠典傳家故物掇科巍

題沈文愨公歸愚詩集後

青衫白髮晚登科簪筆承恩雨露和清穆雅音追
吉甫雖嗜廣詠叶卷阿編詩破格丹宸序致仕探
奇黃海過千叟宴開人百歲大椿真是得天多

題朱文正公知足齋詩集後

登朝弱冠簡宸心晚擢綸扉眷注深石鼓語奇韓
氏向水仙操妙伯牙琴柏梁瓠子多賡和清廟生
民悉雅音偶爾逃禪參佛說旨歸終屬德愔愔

題阮文達公擘經室詩集後

韋平事業本窮經韻語推敲亦典型才大不拘唐
宋派淵深時鑄鼎鐘銘珊瑚碧樹崇臺閣梔子芭
蕉寫性靈絕頂慧光完福澤垂聲竹帛有餘馨

招客看白菊副齋有作次韻和答兼乞黃菊
疊蕾重臺滿院香如來頂現白毫光瑤階寫影含
清露銀管傳神映曉霜中隱頻開三益徑延齡合
酌九霞觴君家尚有疏枝在乞取中央正色黃

望眉草堂詩集卷六

廿

文蔚堂

白菊盛開再招客醺賞

瘦盡籬邊是傲霜者番作態不尋常十分飽滿猶
含豔一洗鉛華但送香蓮社時招雞黍局蕉窗夜
助雨風涼看花老眼渾忘倦日日裁箋雅興長

看菊感弔馮立夫從妹培

署聽菊花
立夫手栽

步到花籬百感生栽花人已不同行無多戚屬依
清宦况復相親見至情弱妹幾人存在少諸孤尚
幼事非更家山遠隔牂牁水歸旒翩翩送啟程

寓月軒宴客張廣文卽景賦詩酬答一首

歌筵小飲畫堂東十二闌干亞字通雛舌婉隨清
管嘒蛾眉粧入麗花蕞綠藤紅藕香山詠散髻斜

簪謝傅風如許多情張子野醉歸火速報詩筒

次韻謝副齋贈新黃菊

新花持贈露猶溥圭璧珍如穀與桓色正香清品
修潔等閒桃李作衙官

羊脂玉蕊縱重臺遲爾金英尙未開黃四娘家風
格在待吟杜句伴花來

次韻答石价人廣文贈詩并索望眉集

遷水從公愧素餐沽名容易問心難栽花曲體春
風意屬草常遊學海瀾梁稻幸豐民自瘠萑苻略
靖法少寬舊編魚豕新翻校小技毋將治譜觀

望眉草堂詩集卷六

廿五

文蔚堂

